



Arkivnr: 2014/1230-115

Saksbehandlar: Lise Fauskanger Ådlandsvik

Saksframlegg

Saksgang

| Utval | Saknr. | Møtedato |
|--|--------|------------|
| Fylkestrafikksikringsutvalet i Hordaland | | 17.02.2016 |

Søknad om tilskot til lokale trafikksikringsarrangement våren 2016

Samandrag

Det er fastsett i Handlingsplan for trafikksikring i Hordaland (2014-2017) at det årleg vert sett av 800.000 kr til tilskotsordninga til lokale trafikksikringsarrangement. Midlane skal nyttast til gjennomføring av trafikksikringsarrangement som er tufta på lokale initiativ, det vil seie trafikantretta tiltak (ikkje fysiske tiltak). Tilskotet er meint å vere ei støtte for å sikre høg trafikkfagleg kvalitet på tiltaket. Det er eit viktig prinsipp at Fylkestrafikksikringsutvalet (FTU) skal kunne vere ein bidragsytar ved lokale initiativ der haldningsskapande trafikksikringsarbeid vert sett på dagsorden.

Søknadsfristane for tilskotsordninga lokale trafikksikringsarrangement er i 2016 er sett til 1. januar og 1. august. Innan fristen 1. januar kom det inn 12 søknader, med ein søknadssum på totalt 557.740 kr.

Forslag til vedtak

Fylkestrafikksikringsutvalet (FTU) fordeler tilskotsordning våren 2016 til lokale trafikksikringsarrangement slik;

| | Søklar | Søknadssum | Tilskotssum |
|---|-------------------------------------|------------|-------------|
| a | Einar Emil Myklestad | 50 000 | 20 000 |
| b | Ettertankens dag Hordaland | 30 000 | 30 000 |
| c | FAU Alversund skule | 15 000 | 5 000 |
| d | FAU Kleppe skole | 6 000 | 5 000 |
| e | FAU Træet skule | 33 740 | 10 000 |
| f | Hålandsdalen Idrettslag | 35 000 | 10 000 |
| g | Kvinnherad vgs | 54 000 | 25 000 |
| h | Nysæter ungdomsskule | 60 000 | 25 000 |
| i | SLF Bergen og Omegn | 29 000 | 25 000 |
| j | Stiftelsen Norsk Luftambulans | 100 000 | 90 000 |
| k | Stord vgs | 45 000 | 25 000 |
| l | Trafikkfagleg samarbeidsutval (TSU) | 100 000 | 75 000 |

Rune Haugsdal
fylkesrådmann

Håkon Rasmussen
fylkesdirektør samferdsel

Saksframlegget er godkjent elektronisk og har derfor inga underskrift.

Vedlegg

- 1 Søknadsskjema 2016 frå Stord vidaregåande skule
- 2 Søknadsskjema 2016. Tilskot til lokale trafikksikringsarrangement. Alversund FAU
- 3 Søknadsskjema 2016. Tilskot til lokale trafikksikringsarrangement. Kvinnherad vgs
- 4 Søknad om tilskudd FTU. Kleppe skole FAU
- 5 Søknadsskjema 2016. Tilskot til lokale trafikksikringsarrangement. Sykkeldagen i Ytrebygda
- 6 Søknadsskjema 2016. Tilskot til lokale trafikksikringsarrangement. Træet skule FAU
- 7 Søknadsskjema 2016. Tilskot til lokale trafikksikringsarrangement. Nysæter ung.skule
- 8 Søknadsskjema FTU 2016. Russearrangement. TSU Nordhordland
- 9 Søknadsskjema 2016. Tilskot til lokale trafikksikringsarrangement - Trafikksikkerhetsdagen 2016. Ettetankes dag
- 10 SLF - Søknadsskjema 2016. Tilskot til lokale trafikksikringsarrangement. SLF Bergen og Omegn
- 11 Søknadsskjema 2016. Tilskot til lokale trafikksikringsarrangement-HIL
- 12 Søknadsskjema 2016. Tilskot til lokale trafikksikringsarrangement. Stiftelsen NLA

Fylkesrådmannen, 08.01.2016**Bakgrunn**

Det er fastsett i handlingsplanen (2014-2017) at det årleg vert sett av 800.000 kr til tilskotsordninga til lokale trafikksikringsarrangement. Midlane skal nyttast til gjennomføring av trafikksikringsarrangement som er tufta på lokale initiativ, det vil seie trafikantretta tiltak (ikkje fysiske tiltak). Tilskotet er meint å vere ei støtte for å sikre høg trafikkfagleg kvalitet på tiltaket. Det er eit viktig prinsipp at Fylkestrafikksikringsutvalet (FTU) skal kunne vere ein bidragsytar ved lokale initiativ der haldningsskapande trafikksikringsarbeid vert sett på dagsorden.

Søknadsfristane i 2016 er sett til 1. januar og 1. august. Innan fristen 1. januar kom det inn 12 søknader, med ein søknadssum på totalt 557.740 kr.

Det har over mange år vore dei same arrangementa som har søkt om tilskot, - noko som er positiv med tanke på lokalt initiativ og interesse, men samstundes er det viktig å ha krav til innhaldet i programmet, og sikre fokus på trafikksikringsdelen. I 2016 er det og kome til fleire nye søknader, og det kan difor synast som om ordninga er meir kjend. Annonse om tilskotsordninga gjekk ut til 16 lokalaviser i desember 2015. Ein oversikt over tildelte tilskotsmidlar gjennom denne ordninga viser følgjande:

2011: 11 søknader
 2012: 16 søknader
 2013: 15 søknader
 2014: 18 søknader
 2015: 18 søknader

Kriteria for tilskotsordninga

- Søknadsfrist to gongar i året. Det må søkjast på eige skjema.
- Utbetalinga skjer i etterkant av at rapporteringsskjema inkl. rekneskap er motteke.
- Arrangement med ei kostnadsråme på over 30.000 kr har krav om ein eigenandel på minimum 25%.
- Personalkostnader/eigeninnsats kan vere ein del av eigenandelen. Eigeninnsatsen (timar) må synleggjerast.
- Rett til å søkje: Kommunar, skular, barnehagar, lag/foreningar/organisasjonar.
- Tilskotmidlane ikkje kan dekke administrative kostnader og andre driftsutgifter.

Oversikt over søknadane våren 2016

| | Søklar | Søknadssum | Totalkostnad | Krav om eigenandel |
|---|-------------------------------------|----------------|------------------|--------------------|
| a | Einar Emil Myklestad | 50 000 | 80 000 | X |
| b | Ettertankens dag Hordaland | 30 000 | 140 900 | X |
| c | FAU Alversund skule | 15 000 | 15 000 | |
| d | FAU Kleppe skole | 6 000 | 6 000 | |
| e | FAU Træet skule | 33 740 | 50 740 | X |
| f | Hålandsdalen idrettslag | 35 000 | 42 500 | X |
| g | Kvinnherad vgs | 54 000 | 72 000 | X |
| h | Nysæter ungdomsskule | 60 000 | 232 000 | X |
| i | SLF Bergen og Omegn | 29 000 | 29 000 | |
| j | Stiftelsen Norsk Luftambulanse | 100 000 | 130 000 | X |
| k | Stord vgs | 45 000 | 56 250 | X |
| l | Trafikkfagleg samarbeidsutval (TSU) | 100 000 | 220 000 | X |
| | Totalt | 557 740 | 1 074 390 | |

Om søknadane til lokale trafikksikringsarrangement

Som tabellen over viser så er dei 12 søknadane svært ulike både i fokus, omfang og kostnader. Tilskotet det vert søkt om varierer mellom 6 000 kr og 100 000 kr. Gjennom ei grovfordeling kan ein seie at fire av tiltaka rettar seg mot skuleborn i regi av foreldreutval (FAU)/idrettslag (c, d, e, f), medan fem av tiltaka rettar seg mot elevar i ungdomsskulen og den vidaregåande skulen (g, h, j, k, l). Derest er det eit tiltak som er ein trafikksikringsdag for alle generasjonar (b). To av tiltaka har fokus på sykkel, - her er søkjaren ein privatperson og ein sykkelorganisasjon (a, i).

Fleire av arrangementa er tverrfaglege, og er i ei særleg grad eit samarbeid mellom blålysetatane; Politi, ambulanse og brann/redning. Ikkje minst gjeld dette trafikksikringsdagane for ungdomsskulen og dei vidaregåande skulane.

a. Einar Emil Myklestad

Einar Emil Myklestad søker om tilskot på 50 000 kr til sykkel dagen i Ytrebygda. Totalkostnaden for arrangementet er 80 000 kr. Dette er eit årleg arrangement for å lære born og unge god sykkelkultur og sykkelopplæring. Det vert opplyst at tilskotsmidlane frå FTU skal gå til marknadsføring og kjøp av skulesyklar. Tiltaket har eit bra fokus, men ei svært høg kostnadsråme, med tanke på tidsråma på 2-3 timar. Fylkesrådmannen ser at det er grunnlag for at dette arbeidet kan koplast til Alle barn sykler. Søkjaren vart i 2015 tildelt 20 000 kr til same arrangement. Fylkesrådmannen innstiller på eit tilskot på 20 000 kr.

b. Ettetankens dag Hordaland

Ettetankens dag Hordaland søker om tilskot på 30 000 kr til trafikksikringsdag. Totalkostnaden for arrangementet er 140 900 kr. Dette er eit tverrfagleg utearrangement som finn stad i Bergen sentrum, Festplassen, i august 2016. På arrangementet vert ulike redningsaksjonar demonstrert, ilag med forskjellige trafikksikringsapparat. Femten samarbeidspartnarar står bak denne trafikksikringsdagen. Søkjaren vart i 2015 tildelt 28 500 kr til same arrangement. Fylkesrådmannen innstiller på eit tilskot på 30 000 kr.

c. FAU Alversund skule

FAU Alversund skule søker om tilskot på 15 000 kr til gå-/sykkelaksjon. Totalkostnaden for arrangementet er 15 000 kr. Dette er eit tiltak for å få flest mogleg til å gå/sykle til skulen i mai/juni 2016. Skulen har omlag 370 elevar. Tilskotsmidlane skal utelukkande gå til premiering. Søkjaren vart i 2015 tildelt 5 000 kr til same arrangement. Fylkesrådmannen innstiller på eit tilskot på 5 000 kr.

d. FAU Kleppe skole

FAU Kleppe skole søker om tilskot på 6 000 kr til refleksaksjon, gåaksjon og sykkelopplæring. Totalkostnaden for arrangementet er 6 000 kr. Dei ulike tiltaka skal vere med på å setje fokus på trafikksikring både for elevar og føresette, og skal skje mellom februar - mai. Skulen har omlag 330 elevar. Tilskotsmidlane skal utelukkande gå til premiering. Søkjaren er ny av året. Fylkesrådmannen innstiller på eit tilskot på 5 000 kr.

e. FAU Træet skule

FAU Træet skule søker om tilskot på 33 740 kr til refleksaksjon, gåaksjon og sykkelopplæring. Totalkostnaden for arrangementet er 50 740 kr. Dei ulike tiltaka skal vere med på å setje fokus på trafikksikring både for elevar og føresette. Prosjektet starta allereie opp i oktober 2015, og skal gå fram til mai 2016. Skulen har 142 elevar. Tilskotsmidlane skal gå FAU/refleksvestar, premiar og materiell til sykkel skule. Samanlikna med liknande arrangement er søknadssummen noko høg, og fokuset på premiering stort. Søkjaren er ny av året. Fylkesrådmannen innstiller på eit tilskot på 10 000 kr.

f. Hålandsdalen idrettslag

Hålandsdalen idrettslag søker om tilskot på 35 000 kr til ein trafikksikringsdag for elvane ved Holdhus skule og ein trafikksikringsdag for idrettslaget med fokus på trening og ferdsel langs trafikerte vegar. Totalkostnaden for arrangementet er opplyst til å vere 42 500 kr. Det kjem ikkje heilt klårt fram i søknaden kva tilskotsmidlane skal gå til, men deltakarane skal premierast og det er trong for noko utstyr. Det kan synast som om midlane til premiering er stor. Søkjaren er ny av året. Fylkesrådmannen innstiller på eit tilskot på 10 000 kr.

g. Kvinnherad vidaregåande skule

Kvinnherad vidaregåande skule søker om tilskot på 54 000 kr til ein trafikksikringsdag. Totalkostnaden for arrangementet er 72 000 kr. Dette er eit lokalt tverrfagleg trafikksikringsarrangement elevane i vidaregåande skulen. Målgruppa er 200 elevar i alderen 16-17 år. Søkjaren vart i 2015 tildelt 25 000 kr til same arrangement. Framstår i nokon grad meir som eit beredskapsarrangement, enn eit trafikksikringsarrangement. Høge kostander til innkjøp av utstyr samanlikna med tilsvarande arrangement. Fylkesrådmannen innstiller på eit tilskot på 25 000 kr.

h. Nysæter ungdomsskule, Stord kommune

Nysæter ungdomsskule i Stord kommune søker om tilskot på 60 000 kr til ein temadag om trafikk for alle 10. klassingar i kommunen, totalt 320 elevar. Totalkostnaden for arrangementet er 232 000 kr. Temadagen er eit ledd i valfaget trafikk. Ut frå søknaden synes temadagen å vere lagt opp noko tilsvarande trafikksikringsdagane for dei vidaregåande skulane. Søkjaren er ny av året. Fylkesrådmannen innstiller på eit tilskot på 25 000 kr.

i. SLF Bergen og Omegn

SLF Bergen og Omegn søker om tilskot på 29 000 kr til utdeling av sykkelykter, reflekisar og refleksvestar til sykkistar i Bergen hausten 2016. Totalkostnaden for prosjektet er 29 000 kr. Fylkesrådmannen vurderer det slik at dette er eit god initiativ, men prosjektet kunne ha vore vidareutvikla noko. Søkjaren er ny av året. Fylkesrådmannen innstiller på eit tilskot på 25 000 kr.

j. Stiftelsen Norsk Luftambulans

Stiftelsen Norsk Luftambulans søker om tilskot på 100 000 kr. Totalkostnaden for arrangementet er 130 000 kr. Dette er eit årleg trafikksikringsarrangement for russen i Grieghallen, med rundt 2500-3000 elevar. Tradisjonsrikt, godt tiltak for viktig målgruppe. Søkjaren vart i 2014, i samband med fylkesrådmannen si handsaming av saka, oppmodar om at fleire bidragsytarar enn FTU og Bergen kommune burde delta på dette store arrangementet. Søkjaren vart i 2015 tildelt 90 000 kr til same arrangement. Fylkesrådmannen innstiller på eit tilskot på 90 000 kr.

k. Stord vidaregåande skule

Stord vidaregåande skule søker om tilskot på 45 000 kr til ein trafikksikringsdag. Totalkostnaden for arrangementet er 56 250 kr. Dette er eit lokalt tverrfagleg trafikksikringsarrangement elevane i vidaregåande skulen. Fylkesrådmannen innstiller på eit tilskot på 25 000 kr.

l. TSU Nordhordland

TSU Nordhordland søker om tilskot på 100 000 kr. Totalkostnaden for arrangementet er 220 000 kr. Dette er eit årleg, tverrfagleg trafikksikringsarrangement for avgangselevane i vidaregåande i Nordhordlandsregionen. Omlag 500-600 elevar deltek. Søkjaren vart i 2015 tildelt 58 000 kr til same arrangement. Årets arrangement er tilsvarande tidlegare år. Samanlikna med liknande arrangement er søknadssummen noko høg. Søklar oppgjev ei auke på nokre av postane i høve til 2015, og har i tillegg innleige av ekstramannskap som ein ny post av året. I rapporteringa for 2015 er rekneskapet på 77 000 kr. Fylkesrådmannen innstiller på eit tilskot på 75 000 kr.

Fylkesrådmannen sine kommentarar

Det er eit stort lokalt fokus på haldningsskapande trafikksikringsarbeid i Hordaland. Fylkesrådmannen ser at det over mange år vore dei same arrangementa som har søkt om tilskot, - noko som er positiv med tanke på lokalt initiativ og interesse, men samstundes er det viktig å ha krav til innhaldet i programmet, og sikre fokus på trafikksikringsdelen. Om eit arrangement har motteke støtte eit år, så set det likevel krav til innhaldet og fokuset i arrangementet for å kunne motta støtte seinare år.

Fylkesrådmannen ser det som svært positivt at det har kome inn søknader frå alle delane av fylket, og at det i 2016 er fleire nye søkjarar. Det kan difor synast som om tilskotsordninga har vorte betre kjend. Den store variasjonen i type arrangement gjer det utfordrande å vurdere *kvaliteten* på trafikksikringsdelen i tiltaket. Haldningsskapande trafikksikringsarbeid er eit kontinuerleg arbeid, som ikkje kan målast i konkrete effektar av tiltaket. Dette er det viktig å ha med seg inni vurderinga av søknadane. Grunnlaget for fylkesrådmannen si vurdering av søknadane er at tilskotet som vert gjeve skal vere ei støtte for å sikre høg trafikkfagleg kvalitet på arrangementet. Vidare gjev kriteriet om at tilskotet ikkje kan nyttast til administrative kostnader og andre driftsutgifter føringar for tilskotssummen. Med det forstår ein at midlane frå FTU i fyrste omgang skal nyttast til den trafikkfaglege delen, og i mindre grad til det andre delar av arrangementet, slik som for eksempel til mat/drikke og marknadsføring. Vidare vurderer fylkesrådmannen det også slik at det er grunnlag for å vere noko tilbakehalden med at mindre arrangement skal få store midlar til premiering.

Etter fylkesrådmannen sitt syn må også talet på deltakarar sjåast i samanheng med storleiken på tilskotssummen. I fylkesrådmannen si vurdering har ein i særleg grad sett same type arrangement under eitt. Eit eksempel på dette er dei ulike trafikksikringsdagane for den vidaregåande skulen.

Fylkesrådmannen har i si handsaming av søknadane våren 2016 vurdert kvar søknad for seg, men har sett tilsvarande arrangement i samanheng.

Fylkesrådmannen rår til at alle 12 søkjarane vert tildelt tilskot, med ein total tilskotssum på 345.000 kr.